









分類補註李太白詩卷之十九

明長洲許自昌玄祐甫校

訓答

訓談少府

裏漢

一尉居倏忽梅生有仙骨三事或可羞匈奴哂千秋  
壯心屈黃綬浪跡寄滄洲昨觀荆峴作如從雲漢遊

老夫當暮矣蹀足懼驊騮

齊賢曰漢書東南一尉西  
比一候梅福補南昌尉得

仙事見前毛詩三事大夫注謂三公漢田千秋為高  
寢郎衛太子為江充所諸敗久之千秋訟太子寃上  
大感悟立拜為大鴻臚數月代劉屈氂為丞相後漢  
使至匈奴單于問曰聞漢新拜丞相何用得之使者





曰以上諸言事故單于曰苟如是漢置丞相非用賢也妄一男子上書即得之矣後漢輿服志四百石三百二百石黃綬唐襄州襄陽郡襄陽縣有峴山南漳縣本荆山縣有荆山左傳老夫耄矣淮南子足蹠陽阿之舞士贊曰楚詞倏而來兮忽而逝詩云倬彼雲漢曹顏遠圍碁賦良馬蹠足顏延年赭白馬賦望朔蹠足

訓宇文少府見贈桃竹書筒

桃竹書筒綺繡文良工巧妙稱絕群靈心圓映三江  
月彩質疊成五色雲中藏寶訣蛾眉去千里提携長

憶君

齊賢曰梁簡文書云五離九折出桃枝之翠笋即桃枝竹也出巴俞欄三江及蛾眉山事見前

士贊曰列子曰造物者其巧妙其功深史記正義曰



上天垂光彩五色一何鮮禮記長者與之提携

五月東魯行答汶上君

五月梅始一作子黃蠶凋桑柘空魯人重織作機杼鳴

簾櫳顧余不及仕學劍來山東舉鞭訪前途獲笑汶

上翁下愚忽壯士未足論窮通齊賢曰史記項籍少時學書不成去學劍

山簡傳舉鞭向葛疆漢志太山郡汶水出萊蕪入濟

論語如有復我者則吾必在汶上矣士贊曰東漢書

班超曰小子安知壯士之志哉古詩軋

軋弄機杼易曰窮則變變則通通則久我以一箭書

能取聊城功終然不受賞羞與時人同西歸去直道

落日昏陰虹此一作我去爾勿言其心如轉蓬齊賢曰史記齊



田單攻聊城歲餘不下魯仲連乃爲書矢以射城中  
遺燕將燕將見書泣三日乃自殺聊城亂田單遂屠  
聊城歸而言仲連欲爵之魯仲連逃隱於海上曰吾  
與富貴而詘於人寧貧賤而輕世肆志焉左思詩功  
成不受賞說文霓屈虹青赤或白色陰氣也白意指  
林甫國忠輩昏蔽其君士贇曰論語直道而行曹植  
詩轉蓬離本根  
飄飄隨長風

早秋單父南樓酬竇公衡

白露見日滅紅顏隨霜凋別君若俯仰春芳辭秋條  
泰山嵯峨夏雲在疑是白波漲東海散爲飛雨川上  
來遙帷却卷清浮埃知君獨坐青軒下此時結念同  
所懷我閉南樓看道書幽簾清寂在仙居曾無好事



來相訪賴爾高文一起予

朱頴列子鍾子期曰峩峩

兮若泰山揚雄傳贊時有好事者載酒肴從游學江淹詩高文一何綺論語起予者商也王贊曰古樂府

朝露待日晞張協詩白露中夜結木落柯條森南史王儉傳曰秋葉辭條陶潛詩夏雲多奇峰莊子白波

山若

### 山中問答

問余何意

一作事

栖碧山笑而不答心自開桃花流水

窅然去別有天地非人間

齊賢曰蜀志人問諸葛亮之志亮抱膝笑而不答陶

潛桃源記太康中武陵人捕魚溪行忽逢桃花林夾岸數百步林盡水源見山山有小口舍舟而入屋舍

連接人見漁者大驚為設酒食曰吾先世避秦遂與外隔王贊曰列子曰仲尼笑而不答莊子知北遊適



遭無爲謂而問焉三問而無爲謂不答也  
非不答也不知答也又窅然喪其天下焉

### 答友人贈烏紗帽

領得烏紗帽全勝白接羅山人不照鏡稚子道相宜

王贊曰楚詞山中人兮芳杜若  
陶潛詩大歡止稚子接離見前

### 訓張司馬贈墨

上黨碧松煙夷陵丹砂末蘭麝凝珍墨精光乃堪掇

黃頭奴子雙鴉鬟錦囊養之懷袖間今日贈余蘭亭

去興來灑筆會稽山

齊賢曰唐潞州上黨郡貢墨峽  
州夷陵郡毛詩薄言掇之註掇

拾也錦囊事見前越州會稽郡山陰縣有蘭渚者有  
亭王羲之後漢書枚乘傳曰追羽林黃



頭樂武帝酒中之水歌  
頭奴子擎履箱班婕妤詩出入君懷袖

答湖州迦葉司馬問白是何人

青蓮居士謫仙人酒肆藏名三十春  
湖州司馬何人

問金粟如來是後身

齊賢曰青蓮居士太白自號也唐志上州別駕長史司馬各一

人發迹經曰淨名大士是古金粟如來頭陀寺碑辭曰金粟來儀文殊戾止

答長安崔少府叔封遊終南翠微寺太宗皇帝

金沙泉見寄

河伯見海若傲然誇秋水小物昧遠圖寧知通方士  
多君紫霄意獨往蒼山裏地古寒雲深巖高長風起



齊賢曰莊子秋水時至百川灌河涇流之大兩涘渚  
涯之間不辨牛馬於是馬河伯欣然自喜以天下之  
美爲盡在已順流而東行至於北海東面而視不見  
水端於是馬河伯始旋其面目望洋向若而歎曰野  
語有之曰聞道百以爲莫已若者我之謂也吾長見  
笑於大方之家北海若曰井蛙不可以語於海者拘  
於虛也夏蟲不可以語於冰者篤於時也曲士不可  
以語於道者束於教也今爾出於涯矣觀於大海乃  
知爾醜梁簡文賦升紫霄之丹地排玉殿之金扉士  
贇曰晉何曾傳武帝每延羣臣多說平生事未嘗及  
經國遠圖袁淑詩嗟此務遠圖淮南王莊子要略  
曰江海之士山谷之人輕天下細萬物而獨往 初  
登翠微嶺復憇金沙泉踐苔朝霜滑弄波夕月圓飲  
彼石下流結蘿宿溪煙鼎湖夢淥水龍駕空 一作  
茫

然早行子午關

一作間

卻登山路遠

一作却嘆山路  
遠又作頗識關



遠路拂琴聽霜猿滅燭乃星飯人煙無明異鳥道絕往

返齊賢曰貞觀十二年終南太乙山賦呂改爲翠微宮金

運詩乘月弄潺湲鼎湖夢指太宰也事見三卷漢書

于莽開子午道因置子午關王贊曰長安志載翠微

宮在萬年縣外終南山上謝瞻詩開軒滅華燭攀厓

沈約愍塗賦云依雲邊以知國極鳥道以瞻家

倒青天下視白日晚既過一作遇石門隱還唱一作聞石

潭歌涉雪蹇紫芳一作採濯纓想一作掬清波此人不可見此地君自過爲余謝風泉其如幽意何齊賢曰石門有

二子路宿于石門在魯謝靈運登石門在越王逸注

楚詞蹇採取也屈原漁父曰滄浪之水清兮可以濯

我纓王贊曰莊子其下視也亦若是則已矣江淹詩

終覲紫芳心李善曰紫蘭也晉書宋纖傳名可聞而



身不  
可見

贈李十二左司郎中崔宗之

涼秋八九月白露空園亭耿耿意不暢梢梢

一作風

葉聲思見雄俊士共話今古情李侯忽來儀把袂苦

不早清論既抵掌玄談又絕倒分明楚漢事歷歷王

霸道

齊賢曰梢所交切書鳳皇來儀戰國策蘇秦說趙王抵掌而言晉王登聞衛玠言輒嘆息絕倒

人曰衛玠談道平子絕倒士贇曰詩云白露為霜鮑

照詩秋風八九月清露潤綺羅毛詩耿耿不寐謫眺

詩梢梢枝早勁爾雅梢梢擢也郭璞曰謂木無枝柯

梢擢長而殺也漢書表云總帥雄俊列子五情好惡

古猶今也後漢書孔公緒清談高論噓枯吹生左思

詩不試日則炎我論厄苑氏掌晉書云裴遐善言玄



日漢家自有制度本以霸王道雜之荀子王伯篇道  
王者之法與王者之人爲之則王道道  
伯者之法與伯者之人爲之則伯道  
檐囊無俗物

訪古千里餘袖有七首劍懷中茂陵書雙眸光照人

詞賦凌子虛酌酒絃素琴霜氣正凝潔平生心中事

今日爲君說我家有別業寄在嵩之陽明月出高岑

清溪澄素光雲散牕戶靜風吹松桂香子若同斯遊

千載不相忘齊賢曰蘇秦而歸負書檐橐注橐橐也

夫人七首司馬相如旣病免家居茂陵天子曰相如

病甚可往從悉取其書使所忠往而相如已死妻曰

長卿時時著書人又取去長卿未死時爲一卷書有

使來求書奏之其遺札書言封禪事初上讀子虛賦



而善之曰朕獨不與此人同時哉狗監楊得意曰臣  
邑人司馬相如自言爲此賦上驚乃召問相如相如  
曰有之左思詩詞賦擬子虛唐河南府登封縣本嵩  
陽士贊曰秦嘉婦徐氏書曰芳香既珍素琴又好石  
崇思歸引序曰晚節更樂放逸篤好林藪  
遂肥遁于河陽別業王粲詩風流雲散

訓崔五郎中

朔雲橫高天萬里起秋色壯士心飛揚落日空歎息  
長嘯出原野凜然寒風生幸遭聖明時功業猶未成  
奈何懷良圖鬱悒獨愁坐杖策尋英豪立談乃知我  
齊賢曰曹氏遠感武胡馬仰朔雲左思詩長嘯激清  
風鄧禹聞光武安此河杖節杖策北渡士贊曰江淹  
詩曾陰萬里生楚詞心飛揚兮浩蕩劉琨詩功業猶



思良圖楚詩曾勸余懣懣於哀勝甲之不當  
詩馬能行歎復坐愁詩云知我者謂我心憂東漢書  
張升曰其有知我者雖胡越而可親左傳子產聞  
子皮卒哭且曰吾已無與為善矣惟夫子知我崔

公生民秀緬邈青雲姿制作叅造化託諷含神祇海

嶽尚可傾吐諾終不移是時霜飈寒逸興臨華池起

舞拂長劍四座皆揚眉因得窮懽情贈我以新詩齊賢

旦禮記曰人者五行之秀顏延年詩仲容青雲器實  
稟生民秀漢論崔瑗稱張平子曰制作倖造化班固  
漢書述曰寓言淫麗託諷終始顏延年詩寓辭類託  
諷王仲宣詩人生各有志終不為此移謝萬以如意  
指四座曰諸將皆勁卒士贊曰漢董卓傳曰殘寇乘  
之倒山傾海灌夫傳曰已然諾江表傳孫策曰太史  
慈氣勇有膽烈貴重然諾一以意氣許知已死亡不  
相負列子曰離朱子羽方晝瞑皆揚眉而望之張華



詩良朋又結汗漫期九垓遠相待舉身憇蓬壺濯足  
貽新詩

弄滄海從此凌倒景一去無時還朝遊明光宮暮入

閶闔關但得長把袂何必嵩丘山

齊賢曰淮南子若士謂盧敖曰吾與

汗漫期於九垓之外孟子曰濁斯濯足漢武帝起明  
光宮元后傳王商嘗病暑從上借明光宮淮南子排  
閶闔闔天門注云閶闔始升天之門上帝所居紫微  
宮門也列仙傳王子喬好吹笙浮丘公接以上嵩山  
士贊曰左思詩被褐出閶闔高步追許由振衣千仞  
岡濯足萬里流滄海見前沈約詩一舉凌倒景無事  
適華嵩潘岳懷舊賦不歷  
嵩丘之山者九年于茲矣

### 以詩代書答元丹丘

青鳥一作海上來今朝發何處口銜雲錦字一作與



我忽飛去鳥去凌紫煙書留綺窻前開緘方時

笑乃是故人傳故人深相勗憶我勞心曲離居在咸

陽三見秦草綠置書雙袂間引領不暫閑長望

一作歎

杳難見浮雲橫遠山

齊賢曰相如大人賦云西王母昂然白首戴勝而穴處兮亦幸

有三足鳥爲之使張揖曰三足鳥三足青鳥爲西王母取食在崑崙之北南史鄧郁隱居衡山三十餘載魏夫人忽乘雲而至謂郁曰君有仙分故來相尋天蓋十四年忽見二青鳥如鶴大鼓翼鳴舞移晷方去謂弟子曰青鳥旣來期會至矣無病而終古樂府云中有尺素書白鴻頌曰茲亦耿介矯翮紫烟後漢書梁冀第舍牕牖皆有綺疏潘岳詩明月入綺窻尚書蕩析離居禮記雒羣索居唐京兆府咸陽縣秦都也左傳穆侯謂晉侯曰引領西望曰庶幾乎士贊曰漢書薛宣傳曰一笑相樂斯亦可矣史范曄曰綈袍戀



戀有故人之意詩云亂我心曲陶潛詩清謠結心曲  
古詩同心而離居又引領遙相聯劉琨詩浮雲爲我  
結

金門答蘇秀才

君還石門日朱火始改木春草如有情山中尚含綠  
折芳愧遙憶永路當自勗遠見故人心平生以此足

齊賢曰石門見前語鑕燧改火左傳季春出火則改  
木張茂先詩朱火青無光楚詞折芳馨兮遺所思士  
贊曰陸雲詩永路隔萬里巨海納百川麟閣多才賢  
沈休文詩寸心於此足

獻書入金闕酌醴奉瓊筵屢忝白雲唱恭聞黃竹篇  
恩光照拙薄雲漢希騰遷銘鼎倘云遂扁舟方渺然



麟閣以藏祕書賢才謝玄暉詩復酌瓊筵醴袁宏夜  
酣賦開金扉坐瓊筵列子穆王賓于西王母鴈于瑤  
池之上王母爲王謠詩名白雲王和之穆天子傳曰  
天子休于回中大寒北風雨雪天子作詩三章以哀  
人乃宿于黃竹祭統曰鳴有銘銘者自名也自名以  
稱揚先祖之美而明著之後世者也扁舟言功成名  
遂身退如范蠡扁舟泛五湖也王贊曰淮南子曰百  
川異源皆歸于海江淹上書曰願大王惠以恩光顧  
以顏色舊唐書長孫無忌傳詔曰自古皇王褒崇勲  
德旣銘功于鍾鼎

我留在金門君去臥丹壑未果三

又圖形于丹青

山期遙欣一丘樂玄珠寄象罔赤水非寥廓願狎東  
海鷗共營西山藥栖巖君寂滅處士余龍蠖良辰不  
同賞永日應閑居鳥吟簷間樹花落牕下書綠溪見



綠篠隔岫窺紅葉

齊賢曰沈休文詩銳意三山上漢書蓬萊方丈瀛洲此三神山者山

人在焉莊子黃帝遊乎赤水之北還歸遺其玄珠使知索之而不得使離朱索之而不得使契詬索之而不得乃使象罔象罔得之司馬相如大人賦云上寥廓而無天列子海上之人有好鷗鳥者每旦之海上從鷗鳥游鷗鳥之至百住而不止沈休文詩若蒙西山藥顏齡倘能度傳燈錄釋迦無常偈曰生滅滅已寂滅為樂繫辭曰尺蠖之屈以求伸也龍蛇之蟄以存身也謝靈運擬鄴中集詩序云良辰美景賞心樂事士贇曰三輔黃圖金馬門武帝得大宛馬以銅鑄馬立於司馬門因以為名東方朔士父偃嚴安徐樂皆待詔金馬門漢書班固叙傳漁釣於一壑則萬物不奸其志樞遲於一丘則天下不易其樂毛詩云且以喜樂且

採薇行笑歌眷我情何已月出石鏡間松

鳥風琴裏得心自虛妙外物空顏靡身世如兩忘從



君老煙水

齊賢曰史記作夷叔齊隱于首陽山作哥曰登彼西山兮採其薇矣石鏡見前鮑明

遠詩身世兩相棄王贊曰莊子波流頽靡又曰與其譽堯而非桀也不若兩忘而化其道

訓坊州王司馬與閣正字對雪見贈

陝右

遊子東南來。自死適京國。飄然無心雲。倏忽復西北。

訪戴昔未偶。尋嵇此相得。愁顏發新權。終宴叙前識。

齊賢曰陶潛歸去來辭雲無心而出岫王子猷雪夜訪戴安道事見前晉書嵇康會稽上虞人東平呂安服康高致每一相思輒千里命駕王贊曰古詩遊子不顧返魏文帝詩西北有浮雲曹植詩倏忽北徂

閣公漢庭舊。沉鬱富才力。價重銅龍樓。聲高重門側。寧期此相遇。華館陪遊息。積雪明遠峰。寒城鎖春色。



主人蒼生望。假我青雲翼。風水如見資。投竿佐皇極。

齊賢曰史記上召田叔與詔漢庭臣無能出其右者  
前漢太子宮有銅龍樓陸厥詩又出銅龍門易曰重  
門擊柝晉書安石不起將如蒼生何洪範五皇極土  
贊曰北史袁翻傳曰田叔魏尚聲高于沙漠史范雎  
傳曰能自致青雲之上莊子曰  
任公子投竿東海旦旦而釣

訓中都小吏攜斗酒雙魚於逆旅見贈

魯酒若琥珀

一作琥  
珀色

汶魚紫錦鱗山東豪吏有俊氣

手攜

一作持

此物贈遠人意氣相傾兩相顧斗酒雙魚

表情素雙鰓呀呷鱗鬣張躑刺銀盤欲飛去呼兒拂

丸霜刃軍紅肥花落白雪霏為君下飭一餐飽

一作羅



醉著金鞍上馬歸

哀牢國出琥珀注松脂入地千年

為茯苓茯苓千年為琥珀汶水出泰山萊蕪縣海賦  
猶尚明咽餘波獨勇又巨鱗師雲鬢鬣刺天管書何  
會口食萬錢猶曰無下飭處白馬行白馬黃金鞍士  
贊曰蘇武詩我有一樽酒欲以贈遠人東漢何顯傳  
贊蘭猶無並銷長相傾古詩斗酒相娛樂鮑照詩執  
君手把君酒意氣相傾死何有漢書鄒陽傳披心腹  
見情素韻會徐曰魚跳躑  
刺躑北末切刺郎達切

### 訓張卿夜宿南陵見贈

月出魯城東明如天上雪魯女驚莎雞鳴雞應秋節  
當君相思夜火落金風高河漢掛戶牖欲濟無輕舠

齊賢曰七月詩莎雞振羽火落大火西流也說文舠  
小船也士贊曰毛詩月出之光梁元帝纂要曰秋曰



高秋風曰金風古

詩河漢清且淺

我昔辭林丘雲龍忽相見客星動

太微朝去洛陽殿爾來得茂彥七葉仕漢餘身為下

邳客家有圯橋書傳說未夢時終當起巖野萬古騎

辰星光輝照天下

齊賢曰賀知章薦太白召見待詔事見前易曰雲從龍後漢嚴光足

加帝腹感客星犯御座事見前晉天文志太微天子廷也五帝座也左太冲詩金張藉舊業七葉珥漢貂

張湯傳張氏自宣元以來為侍中中常侍者十餘人張良亡匿下邳於圯橋遇老父受書事見三卷註書

說命高宗夢得說使百工營求諸野得諸傅巖莊子傳說得之以相武丁奄有天下乘東維騎箕尾而比

於列星終古不忒南史王融為司徒法曹詣王僧祐遇沈昭略未相識昭略屢顧盼謂主人曰是何年少

融殊不平曰僕出於扶桑入於暘谷照耀天下誰云



有賢明之臣虎嘯而谷風烈龍興而致雲氣

各未遇長策委蒿萊寶刀隱玉匣繡澀空莓苔遂令

世上愚輕我土與灰一朝攀龍去鼃鼃安在哉故山

定有酒與爾傾金罍齊賢曰王吉傳公卿未有建萬世之長策左傳是委君貶於草莽也唐郭振寶劍歌曰琉璃玉匣吐蓮花揚子法言曰攀龍鱗附鳳翼周禮蠃氏掌去鼃鼃上尹蠋下莫幸切齊魯間謂鼃為蠃鼃也尤怒鳴聒人阮籍詩梁王安在哉士贇曰穀梁傳孟勞魯之寶刀選白馬篇曰三杯弄寶刀韓子曰死者已而灰灰而土詩云我姑酌彼金罍

訓岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續



不以千里遙命駕來相招中逢元丹丘登嶺宴碧霄

對酒忽思我長嘯臨清飈

齊賢曰鄂州有黃鶴樓因黃鶴山以名相傳費文禕

得仙駕鶴憇此張景陽詩沈憂結心曲毛詩亂我心曲世說呂安思嵇康千里命駕楚詞云臨深水而長

上賈曰陸機詩

蹇予未相知茫茫綠雲垂俄然素

日人飛飈

書及解此長渴饑策馬望山月途窮造階墀喜茲一

會面若覩瓊樹枝憶君我遠來我歡方速至開顏酌

美酒樂極忽成醉我情既不淺君意方亦深相知兩

相得一顧輕千金且向山客笑與君論素心

齊賢曰離騷謇

吾法夫前修兮非世俗之所服注寒難也文選寒作寒又川難易之難非蹇難之字古樂府中有入素書



楚成王夫人成王登臺子晉不顧曰顧與汝千金脊  
遂行不顧曹植詩一顧千金重何必珠與璣士贇曰  
鮑照詩垂絲綠雲中魏文帝詩策我良馬又會面安  
可知陶潛詩綠酒開芳顏世說庾亮曰老子於此興  
復不淺顏延之撰陶徵士誄曰弱不好弄長實素心

### 答從弟幼成過西園見贈

一身自瀟灑萬物何囂誼拙薄謝明時棲閑歸故園  
二季過舊壑四鄰馳華軒衣劍照松宇賓徒光石門  
山童薦珍果野老開芳樽上陳樵漁事下叙農圃言  
昨來荷花滿今見蘭苕繁一笑復一歌不知夕景昏  
醉罷同所樂此情難具陳

齊賢曰鄭玄禮記注曰聞  
謹囂則人意動作呂刑曰



伯父伯兄仲叔季弟孔安國曰伯仲叔季順少長也  
論語吾不如老農吾不如老圃靈運詩蘭若已屢摘  
王贊曰北山移文瀟灑出塵之想尚書睦乃四鄰陶  
潛詩餞送傾皇朝華軒盈道路晉先逸傳論曰劉畢  
芳樽之友漢薛宣傳一笑  
相樂古詩歡樂難具陳

訓王補闕惠翼莊廟宋丞泚贈別

學道三千春自言羲和人軒蓋宛若夢雲松長相親

偶將二公合復與三山鄰喜結海上契自爲天外賓

鸞翮我先銖龍性君莫馴

齊賢曰孔安國注堯典曰重黎之後羲氏和氏世掌

天地四時之官南史陶潛嘗言五六月北窗下卧遇涼風暫至自謂是羲皇上人說苑翟璜乘車戴華蓋山子方怪而問之曰吾祿厚得此軒蓋齊宗測若豫



歲延年秘中前言  
曰飛鳥鎡羽許慎曰鎡殘羽也左氏傳曰劉累學優  
龍于秦龍氏服虔注擾馴也王贊曰史封禪書曰燕  
齊海上之方士又曰蓬萊方丈瀛洲此三神山者其  
傳在渤海中夫人不遠諸仙人及不死之藥皆在焉  
沈約詩氣與三山壯朴散不向古時

訛皆失真勿踏荒溪波竭來浩然津薛帶何辭楚桃

源堪避秦世迫且離別心在期隱淪訓贈非烟誠永

言銘佩紳

齊賢曰文中子賈復曰淳漓朴散其可歸乎楚詞被薜荔兮帶女蘿陶潛桃花源記

事見二卷桓譚新論天下神人五一日曰神仙二曰隱淪鮑照詩孤賤長隱論語子張書諸紳王贊曰楞嚴經曰云何汝今以動為身以動為境從始汨終念念生滅遺失真性顛倒行事性心失真認物為已輪迴是中自取流轉張載詩竭來戒不虞陳子昂集曰世議迫阨不容其高書舜典曰歌永言何敬祖詩永言



伯父伯兄仲叔季弟孔安國曰伯仲叔季順少長也  
論語吾不如老農吾不如老圃靈運詩蘭若已屢摘  
王贊曰北山移文瀟灑出塵之想尚書睦乃四鄰陶  
潛詩餞送傾皇朝華軒盈道路晉先逸傳論曰劉畢  
芳樽之友漢薛宣傳一笑  
相樂古詩歡樂難具陳

訓王補闕惠翼莊廟宋丞泚贈別

學道三千春自言羲和人軒蓋宛若夢雲松長相親

偶將二公合復與三山鄰喜結海上契自爲天外賓

鸞翮我先綬龍性君莫馴

齊賢曰孔安國注堯典曰重黎之後羲氏和氏世掌

天地四時之官南史陶潛嘗言五六月北窗下卧遇  
涼風暫至自謂是羲皇上人說苑翟璜乘車戴華蓋  
田子方怪而問之曰吾祿厚得此軒蓋齊宗測若豫



歲延年秘中散詩齊賢曰不期金龍也左氏傳曰劉累學擾  
曰飛鳥鍛羽許慎曰鍛殘羽也王贊曰史封禪書曰燕  
龍于秦龍氏服虔注擾馴也王贊曰史封禪書曰燕  
齊海上之方士又曰蓬萊方丈瀛洲此三神山者其  
傳在渤海中去人不遠諸仙人及不死之藥皆在焉沈約詩氣與三山壯朴散不向古時  
訛皆失真勿踏荒溪波竭來浩然津薜帶何辭楚桃  
源堪避秦世迫且離別心在期隱淪酬贈非烟誠永  
言銘佩紳齊賢曰文中子賈瓊曰淳漓朴散其可歸  
事見二卷桓譚新論天下神人五一日神仙二曰隱  
淪鮑照詩孤賤長隱論語子張書諸紳王贊曰楞嚴  
經曰云何汝今以動為身以動為境從始汨終念念  
生滅遺失真性顛倒行事性心失真認物為已輪迴  
是中自取流轉張載詩竭來戒不虞陳子昂集曰世  
議迫阨不容其高書舜典曰歌永言何敬祖詩永言



寫情

慮

訓裴侍御對雨感時見贈

金陵

雨色秋來寒風嚴清江爽孤高繡衣人瀟灑青霞賞  
平生多感激忠義非外獎禍連積怨生事及徂川往  
楚邦有壯士鄢郢翻埽蕩申包哭秦庭泣血將安仰  
鞭屍辱已及堂上羅宿莽頗似今之人蝨賊陷忠讜  
渺然一水隔何由稅歸鞅日夕聽猿怨懷賢盈夢想  
齊賢曰漢書表侍御史有繡衣直指恨賦鬱青霞之  
奇意曹毗臨園賦青霞曳于前阿伍子胥傳吳王闔  
閭悉興師與唐蔡伐楚將子常敗走奔鄭吳乘勝而



許包胥立於秦廷晝夜哭七日七夜不絕其聲秦哀  
公憐之遣車五百乘救楚敗吳于郢昭王復入郢檀  
弓曰泰山其頽吾將安仰毛詩去其頽膳及其蝨賊  
注食心曰螟食葉曰螻食根曰蝨食節曰賊謝朓詩  
行矣倦路長無由稅歸鞅說文鞅頸組又曰桑革左  
思詩夢想騁良圖士贊曰孔稚圭北山移文瀟灑出  
塵之想江淹詩青霞結桂旗晉祖逖傳遇時屯而感  
激因世亂以驅馳曹植詩功名不可為忠義我所安  
陸機詩客心非外獎楚詞夕攬洲之宿莽音雖不同  
詩人叶音無所不可古詩盈盈一水間脉脉不得語  
葛龔與梁相張府君書曰悠悠夢想願飛無翼稅地  
活切說文說或作稅卽孟  
孟子不稅冕而行之義

## 贈李十二

士贊曰此詩乃攝監察御史  
崔成甫贈太白者附見于此

我是瀟湘放逐臣  
君辭明主漢江濱  
天外常求太白



老金陵捉得酒仙人

齊賢曰晉志太白降爲壯夫處于林麓士贊曰傳毅七激曰閻

君逐臣頑父放子

訓崔侍御

嚴陵不從萬乘遊歸卧空山釣碧流自是客星辭帝

座元非太白醉揚州

齊賢曰嚴子陵以足加帝腹感客星犯帝座事見前逸史章仇

兼瓊領西川嘗令搜訪道術士有一齋酒者不急于利每有紗帽藜杖四人來飲酒至數斗積至十餘石即併還之其言愛說孫思邈或報章仇公公專令探問忽一日又來公遂潛往從者三四人公至前躍出再拜自稱姓名相顧徐起唯柴燼四枚在座前不復見矣時玄宗好道公奏其事詔召孫問之曰此太白酒星仙仙格絕高每遊人間



翫月金陵城西孫楚酒樓達曙歌吹日晚乘醉  
著紫綺裘烏紗巾與酒客數人棹歌秦淮往石

頭訪崔四侍御

昨翫西城月青天垂玉鉤朝沽金陵酒歌吹孫楚樓  
忽憶繡衣人乘船往石頭草裏烏紗巾倒被紫綺裘  
兩岍拍手笑疑是王子猷酒客十數公崩騰醉中流  
謔浪棹海客喧呼傲陽侯

齊賢曰鮑照詩玉鉤隔瑣窗孫權治建鄴作石頭城

古詩曰糾綺爲下裳紫綺爲上襦王子猷雪夜訪戴逵事見前毛詩謔浪笑傲江賦陽侯遯形乎大波高誘淮南子注曰陽國侯溺死于水其神能爲大波王贊曰東漢袁紹傳注拍手大笑喜其言之中也晉祖



述中流擊楫淮南子曰武王渡于孟津陽侯之波逆流而擊

半道逢吳姬卷簾出

擲揄我憶君到此不知狂與羞一月一見君三杯便

迴橈捨舟共連袂行上南渡橋興發歌綠水秦客爲

之謳雞鳴復相招清宴逸雲霄贈我數百字字字凌

風颼繫之衣裘上相憶每長謠

齊賢曰漢書光武令王霸至薊市中募人

將擊王郎市人皆大笑舉手擲揄之  
士贇曰毛詩一月三捷周禮三歲一見宋王敬弘傳子孫歲中不過一再見毛詩雞旣鳴矣清宴字祖出漢書  
劉向傳願賜清燕之間  
琨詩引領長謠

### 江上答崔宣城

太華三芙蓉明星玉女峰尋仙下西嶽陶令忽相逢



問我將何事湍波歷幾重貂裘非季子鶴髦似王戎  
謬忝燕臺召而陪郭隗蹤水流知入海雲去或從龍  
樹繞蘆洲月山鳴鵲鎮鐘還期如可訪台嶺蔭長松  
齊賢曰陶潛爲彭澤令晉王恭美姿儀嘗披鶴髦裘  
涉雪而行孟昶見之曰此真神仙中人也庾仲雍江  
圖曰蘆洲至樊口三十里唐志宣州南陵縣有鵲頭  
鎮天台賦蔭落落之長松士贇曰太華三芙蓉明星  
玉女峰蘇季子黑貂之裘弊燕  
昭王築臺師郭隗事並見前

答族姪僧中孚贈玉泉仙人掌茶

余聞荊州玉泉寺近清溪諸山山洞徃徃有乳窟  
窟中多玉泉交流其中有白蝙蝠大如鴉按仙經



蝙蝠一名仙鼠千歲之後體白如雪棲則倒懸蓋  
飲乳水而長生也其水邊處處有茗草羅生枝葉  
如碧玉唯玉泉真公常來而飲之年八十餘歲顏  
色如桃花而此茗清香滑熟異於他者所以能還  
童振枯扶人壽也余遊金陵見宗僧中孚示余  
數十片拳然重疊其狀如手號爲仙人掌茶蓋新  
出乎玉泉之山曠古未覲因持之見遺兼贈詩要  
余答之遂有此作後之高僧大隱知仙人掌茶發  
乎中孚禪子及青蓮居士李白也



常聞玉泉山山洞多乳窟仙景如白鴉  
峯生此中石玉泉流不歇根柯洒芳津  
採服潤肌骨  
叢老卷綠葉枝枝相接連曝成仙人掌  
似拍洪崖肩  
舉世未見之其名定誰傳宗英乃禪伯  
投贈有佳篇  
清鏡燭無鹽顧慙西子妍朝坐有餘興  
長吟播諸天  
齊賢曰抱朴子曰千歲蝙蝠色如雪集則倒懸腦重故也郭璞詩左挹浮丘袖右拍洪崖肩新序無鹽濟之醜女王褒曰漢書河間王為漢宗英晉周伯仁曰刻畫無鹽唐突西施

訓裴侍御留岫師彈琴見寄

君同鮑明遠邀彼休上人鼓琴亂白雪  
秋變江上春



瑶草綠未衰攀翻寄情親相思兩不見流淚空盈巾

齊賢曰鮑照字明遠爲宋臨江王參軍沈約宋書曰沙門惠休善屬文徐湛之與之甚厚世祖命使還俗本姓湯位至揚州從事孟子衿衣鼓琴陽春白雪曲名也別賦云惜瑶草之徒芳王贊曰鮑照詩惆悵憶情親蘇武詩生當長相思詩云愛而不見搔首踟躕

張相公出鎮荊州尋除太子詹事余時流夜郎行至江夏與張公去千里公因太府丞王昔使車寄羅衣二事及五月五日贈余詩余答以此

詩

長衡朱不樂應有回愁詩慙君錦繡段贈我慰相思



鴻鵠復矯翼鳳凰憶故池榮樂一如此商山老紫芝  
齊賢曰張衡四愁詩序曰張衡不樂久處機密陽嘉  
中出爲河間相時天下漸弊鬱鬱不得志爲四愁詩  
其辭曰美人贈我錦繡段何以報之青王案青書荀  
公曾爲中書令罷去云奪我鳳皇池商山四皓歌曰  
燁燁紫芝可以療飢

醉後答丁十八以詩譏余搥碎黃鶴樓

黃鶴高樓已搥碎黃鶴仙人無所依黃鶴上天訴玉  
帝卻放黃鶴江南歸神明太守再雕飾新圖粉壁還  
芳菲一州笑我爲狂客少年徃徃來相譏君平簾下  
誰家子云是遼東丁令威作詩調我驚逸興白雲遶



筆牕前飛待取明朝酒醒罷與君爛熳尋春暉

齊賢曰黃

鶴樓事見前賀知章自號四明狂客漢書嚴君平賣卜於成都市日閱數人得百錢足自養則閉肆下簾而授老子遼東華表柱上有鶴云有鳥有鳥丁令威去家千年今始歸城郭雖是人民非陸機詩蘋以春暉王贊曰漢書黃霸為潁川太守吏民咸稱神明莊子曰大德不同而性命爛熳矣

答裴侍御先行至石頭驛以書見招期月滿泛

洞庭

君至石頭驛寄書黃鶴樓開藏識遠意速此南行舟  
風水無定準湍波或滯留憶昨新月生西簷若瓊鈎



止藿竟莫遂狂殺王子猷齊賢曰石頭驛在金陵王逸注楚辭曰曲璚玉鉤也吳兢解題何當大刀頭破鏡飛上天言夫出月半缺當還平湖指洞庭士贇曰禮記月令曰先定準面古詩三五明月滿四五蟾兔缺狂殺王子猷是用子猷訪戴安道事乘興而來興盡而返

### 答高山人兼呈權顧二侯

虹霓掩天光哲后起康濟應運生夔龍開元掃氛翳  
太微廓金鏡端拱清遐裔輕塵集嵩嶽虛點盛明意  
謬揮紫泥詔獻納青雲際齊賢曰虹霓指太平公主輩哲后指元宗書曰康濟  
小民晉天文志太微天子之廷五帝之座維書曰秦失金鏡喻明道也白天寶初供奉翰林潛草詔詰紫



泥詔見前（士贊曰）蔡伯喈撰陳太丘碑文曰先生含  
元精之和應期運之數夔龍唐虞賢臣唐馬周上疏  
云天下刺史得人陛下端拱巖廊之上夫復何爲西  
都賦朝夕論思日月獻納（史范曄傳）致身青雲之上  
讒惑英主心恩疎佞臣計彷徨庭闕下歎息光陰逝  
未作仲宣詩先流賈生涕挂帆秋江上不爲雲羅制  
山海向東傾百川無盡勢我於鴟夷子相去千餘歲  
運闊英達稀同風遙執袂（齊賢曰）黍離詩周大行  
王粲詩復棄中國去遠身事荆蠻親戚對我悲朋友  
相追攀（史賈誼拜梁太傅上疏）陳政事其畧云竊惟  
事勢可爲痛哭者一可爲流涕者二演連珠振綱羅  
雲不必招鳳（史范蠡浮海出齊變姓名自謂鴟夷子）  
皮耕于海畔孟子世之相後也千有餘歲（士贊曰）漢



不滿東南百川水潦歸焉登艫望遠水忽見滄浪

棹高士何處來虛舟渺安繫衣貌本淳古文章多佳

麗延引故鄉人風義未淪替顧侯達語默權子識通

蔽曾是无心雲俱為此留滯雙萍易飄轉獨鶴思凌

厲明晨去瀟湘共謁蒼梧帝齊賢曰屈原漁父云莞爾而笑鼓枻而去歌曰

滄浪之水清兮可以濯我纓皇南謚有高士傳繫辭

曰或出或處或默或語通蔽通塞也陶潛詞雲無心

而出岫史太史公留滯周南王贊曰莊子云汎若不

繫之卅虛而遊遊者也謝靈運詩虛舟有超越老子

過故鄉而下車木華海賦或乃萍流而浮轉抱

朴子曰凌青霄厲紫漢陶潛詩凌厲越萬里

答杜秀才五松見贈

五松山南陵銅坑西五六里今宣城



昔獻長楊賦天開雲雨歡當時待詔承明裏皆道揚

雄才可觀勅賜飛龍二天馬黃金絡頭白玉鞍浮雲

蔽日去不返總爲秋風摧紫蘭

齊賢曰揚雄獻賦待詔承明事見前注唐

志馬天子之御左右六閑爲二廐一日祥麟二曰鳳

苑其後禁中又增置飛龍廐羅敷行曰青絲繫馬尾

黃金絡馬頭漢武帝時身毒國獻連環羈皆以白玉

作之馬腦石爲勒白光琉璃爲鞍士贇曰鮑照詩惠

澤雲雨敷又角巾東出商山道採秀行歌詠芝草路

紫蘭花已歇

逢園綺笑向人兩君解來一何好聞道金陵龍虎盤

還同謝朓望長安千峰夾水向秋浦五松名山當夏

寒同牛炎盧次九天赤和壽鼎制山前陶公嬰樂河



赤電回視耶時揚紫煙山中豈是夕留處復欲煥丹

從列仙

齊賢曰晉書元規若來吾使角巾歸第楚詞采三秀于山間王逸注秀謂芝草東園公綺

里季事見前諸葛亮至鄴曰鍾阜龍盤石城虎踞謝眺有晚登三山還望京邑詩唐志秋浦有銅有銀南

陵舊有銅官冶史詔黃帝採首山之銅鑄鼎於荆山下馬援據鞍顧盼以示可用光武笑曰矍鑠哉是翁

也左傳懷火于玄冥回祿杜預注曰回祿火神列子曰楊朱請其過老子曰而睢睢盱盱而誰與居注曰

睢睢盱盱跋扈之貌字林曰睢仰目盱張目也士贇曰鮑照詩場芬紫烟上漢司馬芬如傳曰列仙之儒

居山澤間愛聽松風且高臥颼颼吹盡炎氛過登崖獨立

望九州陽春欲奏誰相和聞君往年遊錦城章仇尚

書倒屣迎飛牋絡繹奏明主天書降問迴恩榮骭髀



不能就珪組至今空揚高蹈名

齊賢曰陶弘景愛聽松風宋玉對問曰陽

春曲名見前成都以江山明麗號為錦城章仇元宗時為劍南節度漢書蔡邕倒屣而迎王粲趙壹詩嘽嘽北堂上翫辭倚門邊左思詩臨組不肯縹對珪不肯分王贊曰盧思道納涼賦動颼颼于翠帳江淹山中楚詞曰風颼颼兮木道寒淮南子曰卓然獨立漢書王莽傳曰絡繹道路又曰獨無天帝除書乎

夫

子工文絕世奇五松新作天下推吾非謝尚邀彥伯

異代風流各一時一時相逢樂在今袖拂白雲開素

琴彈為三峽流泉音從茲一別武陵去去後桃花春

水深

齊賢曰五松山在南陵銅坑西五六里晉袁宏字彥伯父勗為臨汝令宏有逸才曾為詠史少

孤貧以運租自業謝尚時鎮牛渚秋夜乘舟率爾微



升舟與之談論達旦不寐自此名譽日茂尚爲安西將軍豫州刺史引宏參其軍事南史陶淵明畜素琴一張桃花源在鼎州武陵郡王贊曰謝靈運詩異代可同調嵇康詩習習谷風吹我素琴三峽流泉琴操名也

### 至陵陽山登天柱石訓韓侍御見招隱黃山

韓衆騎白鹿西往華山中玉女千餘人相隨在雲空見我傳秘訣精誠與天通何意到陵陽遊目送飛鴻天子昔避狄與君亦乘驄擁兵五陵下長策馭胡戎齊賢曰列仙傳韓衆齊人爲王採藥王不肯服衆自服之遂得仙仙傳劉根字君安曰吾於華山見一人乘白鹿車者十餘人左右玉女四人執節皆年十五六餘再拜乞言神人曰爾聞有韓衆否荅聞有之神



人曰我是也陵陽山在涇縣西南百里乃竇子明釣  
得白龍放之之處嵇康詩目送飛鴻手揮五絃後漢  
書桓典拜侍御史常乘驄馬京師畏憚曰行行且止  
避驄馬御史過秦論振長策而馭宇內王贊曰鄒陽  
書曰精誠變天地時泰解繡衣脫身若飛蓬鸞鳳翻羽翼咏

粟坐樊籠海鶴一笑之恩歸向遼東黃山過石柱巘

崿上攢叢因巢翠玉樹忽見浮丘公又引王子喬吹

笙舞松風朗詠紫霄篇請開藥珠宮步網繞碧落倚

樹招青童何日可攜手遺形人無窮

齊賢曰漢侍御史有繡衣直指

毛詩首如飛蓬又無啄我粟遼東華表柱有鶴曰有  
鳥有鳥丁令威去家千年今始歸黃山隸宣州黃帝  
與浮丘公遊黃山駐大都峯今有浮丘公仙壇巘崿



王贊曰謝靈運詩連障疊巘紫霞篇即黃庭內景  
經也經曰上清紫霞虛皇前太上太道玉宸君間居  
蔡珠作七言散花五形變萬神是爲黃庭曰內篇詠  
之萬徧升三天秘要經云仙宮中有寥陽之殿蔡珠  
之闕翠嬰之房道君在中而說經綱正氣也即禹步  
交乾履斗之法道書老君于東極碧落之天浮黎之  
國書冥文于青空之林成紫字之文復授青童大君  
靈書紫文修行二十四事詩云攜手同歸賈誼鵬賦  
釋智遺形兮超然自喪班固幽通賦朝真觀而夕化  
兮猶誼已而遺形莊子廣成子曰余  
將去汝入無窮之門以遊無極之野

### 訓崔十五見招

爾有鳥跡書相招琴溪飲手跡尺素中如天落雲錦  
讀罷向空笑疑君在我前長吟字不滅懷袖且三年



齊賢曰書斷曰古文者黃帝史蒼頡所造頡首有四  
目通于神明即觀奎星圓曲之勢俯察龜文鳥跡之  
象采衆美合而爲字是曰古文宣州有琴溪即琴高  
控鯉之處古樂府中有尺素書士贇曰黃庭經曰雲  
錦鳳羅金紐纏曹植洛神賦起長吟以永慕兮  
哀聲厲而彌長古詩置書懷袖間三歲字不滅

答王十二寒夜獨酌有懷

士贇曰按此篇造語用事錯亂顛倒絕無

倫理董龍一事尤爲可笑决非太白之作乃元  
儒所謂五季間學太白者所爲耳具眼者自能

別之今釐而

置諸卷末

昨夜吳中雪子猷佳興發萬里浮雲卷碧山青天中  
道流孤月孤月滄浪河漢清北斗錯落長庚明懷余  
昔西夜霜白巨木含生水淨滌人生飄忽百年內且



須酣暢萬古情

事見前古詩素月流天西京雜記太

極幾前有金井欄王贊曰前漢天文注曰日有中道

中道者黃道古詩河漢清且淺傳玄詩北斗忽低昂

西都賦錯落其間詩云西有長庚注曰旦出謂明星

為啓明日既入謂明星為長庚庚續也陸機嘆逝賦

時飄忽君不能狸膏金距學閭雞坐令鼻息吹虹霓

其不再君不能學哥舒橫行青海夜帶刀西屠石堡取紫袍

君不能學哥舒橫行青海夜帶刀西屠石堡取紫袍

吟詩作賦北牕裏萬言不直一杯水世人聞此皆掉

頭有如東風射馬耳齊賢曰左傳季郈之雞聞季氏

介其雞郈氏為之金距劉邵趙

郡賦煦氣成虹霓史記樊噲曰臣願得十萬眾橫行

匈奴中唐哥舒翰為隴右節度副大使築神威軍青

海上天寶八載詔翰以朔方河東監牧兵十萬攻土

蕃石堡城克之遂以功加特進陶潛云高卧北窗之



魚目亦笑我請一作謂

與明月同驂騮拳跼不能食

蹇驢得志鳴春風折楊皇華合流俗晉君聽琴枉清

角巴人誰肯和陽春楚地由來賤奇璞黃金散盡交

不成白首為儒身被輕一談一笑失顏色蒼蠅貝錦

喧謗聲

齊賢曰張景陽詩魚目笑明月東方朔諺諫曰駕蹇驢而無策兮莊子聞折楊皇華嗑然

而笑孟子同乎流俗韓非子曰晉平公臨師曠音莫悲于清徵乎師曠曰不如清角公曰寡人願聽之師

曠不得已鼓之一奏有玄雲從北方起再奏之大風至大雨隨之裂幃幙破如豆墮廊瓦坐者散走平公

恐懼伏廊室之間晉國大旱赤地三年百里已人陽春白雪反楚木和獻璞玉事並見前司馬緡統詩十

和潛幽冥誰能證奇璞太白上裴長史書曰東遊維



白首嘆蒼蠅能汙白使黑點黑使白及貝錦事並見  
前  
曾參豈是殺人者讒言三及慈母驚與君論心握

君手榮辱於余亦何有孔聖猶聞傷鳳麟董龍更是  
何雞狗一生傲岸苦不諧恩疎媒勞志多乖嚴陵高  
揖漢天子何必長劍挂願事玉階達亦不足貴窮亦  
不足悲韓信羞將絳灌比彌衡恥逐屠沽兒齊賢曰  
曾參殺  
人事見前孔子曰鳳鳥不至河不出圖哀公西狩獲  
麟子曰吾道窮矣楚詞心不同兮媒勞嚴光召拜諫  
議大夫不屈戰國策大冠若箕修劍挂願韓信爲淮  
陰侯常鞅鞅羞與絳灌等列王贊曰鮑照曰握君手  
把君酒意氣相傾死何有晉載記符生司空王愷剛  
峻疾惡生嬖人董榮亂政憶疾之如仇畧不與言或



曰董尚書貴幸公宜降意董龍是何雞狗而令  
國士與之言乎榮慙恨勸生誅董臨刑榮曰公復敢  
數董龍作雞狗乎董瞋目叱之龍榮小字東漢書人  
咸問禰衡曰盍從陳長文司馬伯達乎對曰吾焉能  
從屠沽兒耶君不見李伯海英風豪氣今何在君不見裴

尚書土墳二尺蒿棘

干作

居少年早欲五湖去見此

彌將鍾鼎疎

齊賢曰李邕字泰和揚州江都人父善淹貫古今注文選適事而志高書成以

示邕欲有所更善曰試為我補益之邕附事見義善以為不可奪故兩書並行李嶠張廷珪薦之召拜左  
拾遺元宗即位為陳州刺史仇人告邕賤貨枉法下  
獄當外許昌男子孔璋上書曰臣與邕平生不款曲  
臣知有邕邕不知有臣願代邕死疏奏得減死聚道  
化尉流瑋嶺南裴尚書士不詳范蠡平吳還至五湖辭  
越三載其輕寶與松屬之舟而



明長洲許自昌元祐甫校

遊宴

遊南陽白水登石激作

襄陽

朝涉白水源暫與人俗疎  
島嶼佳境色江天涵清虛  
目送去海雲心閑遊川魚  
長歌盡落日乘月歸田廬

齊賢曰隨州西北二百里曰棗陽縣有春陵故城在縣東漢元帝時春陵侯以其國地卑濕因割蔡陽之白水入唐二鄉爲春陵侯邑左思詩長揖歸田廬王贊曰朝涉字祖出秦誓漢書張良傳曰上目送之蘇武詩長歌正激烈中心愴以摧



遊南陽清冷泉

惜彼落日暮愛此寒泉清西輝逐流水蕩漾遊子情

空歌望雲月曲盡長松聲

齊賢曰南都賦耕父揚光于清冷之淵薛綜注清冷

水名在南陽西鄂山上士贇曰江淹詩蕩漾不可期道家步虛詞有碧落空歌

尋魯城北范居士失道落蒼耳中見范置酒摘

蒼耳作

鴈度秋色遠日靜無雲時客心不自得浩漫將何之  
忽憶范野人閒園養幽姿茫然起逸興但恐行來遲  
城壕失往路馬首迷荒陂不借翠雲裘遂爲蒼耳欺



入門且一笑把臂君爲誰

瞻蒼耳即卷耳詩云采采

卷耳注卷耳也今所謂羊負菜廣絕交論曰自昔把臂之英王贊曰劉向新序宋玉事楚襄王而不見察意氣不得形于顏色楚詞欲高飛而遠集方若罔謂汝何之莊子曰茫乎何之忽乎何適世說衛洗馬曰見此茫然不覺百端交集宋玉賦主人之女爲承目之華上翠雲之裘古樂府入門各自媚誰肯相爲言漢薛宣傳曰酒客愛秋蔬山盤薦霜梨他筵不下筯一笑相樂

此席忘朝飢酸棗垂北郭寒瓜蔓東籬還傾四五酌自詠猛虎詞近作十日歡遠爲千載期風流自簸蕩

謔浪偏相宜酣來上馬去却笑高陽池

齊賢曰何曾曰食萬錢猶

云無下筯處古猛虎行曰飢不從猛虎食暮不從野雀栖史記秦昭王遺平原君書曰願與君爲十日之



飲毛詩譚浪笑傲山簡鎮襄陽遊高陽池事  
見前王贊曰三國吳胡綜曰千載一會之期

東魯門泛舟二首

日落沙明天倒開波搖石動水縈迴輕舟泛月尋溪

轉疑是山陰雪後來

齊賢曰王子猷雪夜訪戴事見前王贊曰謝眺詩日落長沙渚

郭璞江賦嶽如地裂豁天開鮑照詩萬壑勢縈迴

其二

水作青龍盤石堤桃花夾岸魯門西若殺月下乘舟

去何啻風流到剡溪

王贊曰桃花源記云桃花夾岸及剡溪事見前詩

火鼠孟者夜歸置西單父東樓觀妓



何堪速短炬走海無停川冀餐園丘草欲以還

此事不可得微生若浮烟

齊賢曰抱朴子圓丘多大蛇又生好藥黃帝得登焉

廣成子教之佩雄黃而衆蛇皆去王贊曰陸機應嘉賦悲來口之苦短恨願年之方促

駿發跨

名駒彫弓控鳴弦鷹豪魯草白狐兔多肥鮮邀遮相

馳逐遂出城東田一掃四野空喧呼鞍馬前歸來獻

所獲炮炙宜霜天出舞兩美人飄飄若雲仙留歡不

知疲清曉方來旋

齊賢曰毛詩駿發爾私箋云駿疾也枚乘七發曰左烏號之彫弓漢

書匈奴控弦三十萬鳬驚詩燔炙芬芳何劭詩飄飄若仙步應瑒詩公子敬愛客樂飲不知疲且爲極歡

情不醉其無歸



遊太山六首

四月上太山石屏御道開六龍過萬壑澗谷隨縈迴

馬跡遶碧峰于今滿青苔飛流洒絕巘水急一作松色

聲哀北眺嶢嶂奇傾崕向東摧洞門閉石扇地低興

雲雷

齊賢曰元宗開元十三年有事泰山其登山也次于中道休三刻而後升即御道也春秋命曆

序曰皇伯登出扶桑日之陽駕六龍以上下神仙傳

八公與劉安登山所踏山上石皆陷成亦至今人馬

跡猶存唐貞觀中長公弼與華陰雲臺觀劉法師往

蓮花峰東隅至一石壁高千餘仞下臨無底之谷一

逕闊數寸法師與公弼側足而立公弼以指叩石壁

遂劃然開一門中有天地日月王贊曰拔六龍宇當

是用周易時乘六龍以御天事鮑照萬壑勢縈迴按



天下以倣黃帝焉登高望蓬瀛想參金鈿臺天門一

長嘯萬里清風來玉女四五人飄飄下九垓含笑引

素手遺我流霞杯稽首再拜之自愧非仙才曠然小

宇宙棄世何悠哉

齊賢曰漢志齊威宣燕昭使人入海求蓬萊方丈瀛洲此三神山諸

仙人及不死之藥皆在焉其物禽獸盡白而黃金爲

宮闕未至望之如雲及至反居水下郭璞詩吞舟湧

海底高浪駕蓬萊神仙掛雲出但見金銀臺泰山記

泰山盤道屈曲而上凡五十餘盤經小天門大天門

仰視天門如從穴中窺天窓在思詩長嘯激清風其

泉賦屏玉女而卻處妃淮南子若士曰吾與汗漫期

于九垓之上郭璞詩飄飄戲九垓古詩纖纖出素手

士贇曰阮籍詩登高望九州謝靈運謝想象崑山姿

楚詞臨深水而長嘯揚雄其泉賦翕清雲之流霞漢

武內傳西王母曰劉徹好道然形慢神穢雖語之至



道殆恐非仙才也江淹詩曠哉宇宙惠莊子曰夫欲  
免爲形者莫如棄世棄世則無累毛詩于乎悠哉傳  
曰悠  
遠貌

其二

清曉騎白鹿直上天門山山際逢羽人方瞳好容顏  
捫蘿欲就語却掩青雲關遺我鳥跡書飄然落巖間  
其字乃上古讀之了不閑感此三嘆息從師方未還

齊賢曰廣異記沈羲得道黃老遺傳延乘白鹿車迎  
羲楚辭仍羽人于丹丘兮留不死之舊鄉拾遺記老  
聃其瞳方仙書云眼方者壽千歲陶弘景晚年一眼  
有時而方比山移文云局岫幌掩雲關黃帝之史沮  
誦蒼頡眺彼鳥跡始作書契漢書謂之科斗書尚書



殿前帝驚問爲誰曰我山中衛叔卿也陶潛詩常有  
好容顏又歌  
竟長嘆息

其三

平明登日觀舉手開雲關精神四飛揚如出天地間  
黃河從西來窈窕入遠山憑嵯攬八極目盡長空閑  
偶然值青童綠髮雙雲鬟笑我晚學仙蹉跎凋朱顏  
躊躇忽不見浩蕩難追攀齊賢曰史留侯世家平明而往漢官儀泰山東南名  
日觀雞一鳴時日始出長三丈許列子至人揮斥八極楚詞驥垂兩耳中坂蹉跎王康琚詩凝霜凋朱顏左思詩躊躇足力煉莊子精神四達並無流所不極上際于天下蟠于地楚詞心飛揚兮浩蕩青童大君



見十九卷陶隱居真誥云青童大君曰欲植滅度根  
當拔生死氣沉吟墮九泉坐惜形骸棄毛詩愛而不  
見搔首蚶蚶楚辭  
怨靈修之浩蕩

其四

清齋三千日裂素寫道經吟誦有所得衆神衛我形

雲行信長風颯若羽翼生攀嵯上日觀伏檻窺東溟

海色動遠山天雞已先鳴銀臺出倒景白浪翻長鯨

安得不死藥高飛向蓬瀛

齊賢曰鄭玄禮記註素生帛魏文帝詩服之四五目

身體生羽翼宋玉招魂坐堂伏檻臨曲池天台山賦  
或倒景于重溟史記三神山在渤海中諸仙人及不  
死之藥皆在焉士贇曰集仙錄紫虛元君魏華存夫  
人清齋于陽洛之山隱元之臺西王母降于臺中傳



日出之光也玄中記桃都山有大桃樹其枝相去三  
千里上有天雞日初照此木天雞即  
鳴天下雞皆隨鳴漢書羽翼已成

其五

日觀東北傾兩崖夾雙石海水落眼前天光遙空碧  
千峰爭攢聚萬壑絕凌歷緬彼鶴上仙去無雲中跡  
長松入雲漢遠望不盈尺山花異人間五月雪中白  
終當遇安期於此鍊玉液齊賢曰日觀及安期生事見前郭璞詩方士鍊玉液  
鮑照詩萬壑勢縈回詩云俾彼雲漢昭回于天陸機詩云遺響入雲漢楚詞遠望兮阡眠

其六



朝飲王母池暝投天門關獨抱綠綺琴夜行青山間  
山明月露白夜靜松風歇仙人遊碧峰處處笙歌發  
寂靜娛清暉玉真連翠微想像鸞鳳舞飄飄龍虎衣  
捫天摘匏瓜恍惚不憶歸舉手弄清淺誤攀織女機  
明晨坐相失但見五雲飛齊賢曰列子穆王賓于西王母觴于瑤池之上天門見前樂書相如蔡琰之綠綺琴名也謝靈運詩清暉能娛人翠微見前注北史崔浩傳太史奏熒惑在匏瓜星中一夜忽然亡矣集林曰昔有人尋河源見婦人浣紗問之曰此天漢也乃與一石歸問嚴君平云此織女支機石今在成都嚴真觀君平故宅士贇曰謝靈運詩想象崑山姿黃庭由景玉經曰九色錦衣綠華裾佩金帶玉龍虎文楚詞倏忽而捫天老



秋夜與劉碭山泛宴喜亭池

明宰試舟楫張燈宴華池文招梁苑客歌動郢中兒  
月色望不盡空天交相宜令人欲泛海只待長風吹

齊賢曰唐志宋州睢陽郡碭山縣陸機詩移恨華池  
邊漢梁孝王築東苑方三百餘里廣睢陽城七十里  
大治宮室招延四方豪傑自山東游士莫不至客有  
歌于郢中事見前謝安與孫綽等汎海事見前風土  
記南中六月有東南長風俗云黃  
雀長風時海魚變爲黃雀因名

攜妓登梁王棲霞山孟氏桃園中

碧草已滿地柳與梅爭春謝公自有東山妓金屏笑  
坐如花人今日非昨日明日還復來白髮對綠酒強



歌心已摧君不見梁王池上月昔照梁王樽酒中梁  
王已去明月在黃鸝愁醉啼春風分明感激眼前事

莫惜醉臥桃園東

齊賢曰棲霞山在單父縣江文通別賦春草碧色漢梁孝王苑中有

雁池幽詩有鳴倉庚注黃鸝也劉越石詩鄧生何感激王贊曰宋玉神女賦燁乎如花溫潘岳詩念此如昨日陶潛詩綠酒開芳顏歐陽建詩痛酷摧心肝

與從姪杭州刺史良遊天竺寺

掛席凌蓬丘觀濤憇樟樓三山動逸興五馬同遨遊  
天竺森在眼松風颯驚秋覽雲測變化弄水窮清幽  
疊嶂隔遙海當軒寫歸流轉成傲雲月佳趣滿吳洲



齊賢曰：說靈運詩，掛席泛溟渤。神山在渤海中，漢儀天子六馬諸侯五馬，錢唐諸寺天竺最盛，山有三門，南北相望，而上、下兩天竺寺曰西湖，入天竺寺路，大道皆古松，其地名曰九里松。靈隱、天竺同在一個處，皆由松門而進。圖經：杭州靈山之陰，北澗之陽，即靈隱寺、靈山之南，南澗之陽，即天竺寺。二澗流水，號錢源泉，遠寺峰前，卅至峰前，合爲一澗。士贇曰：沈約詩：「氣與三山壯。」謝靈運詩：「薜蘿若在眼。」淮南子曰：「盈縮卷舒與時變化。」任昉詩：「疊嶂易成響。」

### 同友人舟行

楚臣傷江楓，謝客拾海月。懷沙去瀟湘，挂席泛溟渤。蹇予訪前跡，獨往造窮髮。古人不可攀，去若浮雲沒。

齊賢曰：宋玉招魂云：「湛湛江水，兮上有楓，目極千里，兮傷春心。」注曰：「水浸潤楓，水使之茂盛，傷已不蒙君



惠而身放棄不如楓木得所也謝靈運詩桂席汎海  
月屈原作懷沙賦事見前溟渤二海名離騷云嘗吾  
法夫前修兮非世俗之所服注文選審作審難也訓  
難易之難謝靈運詩况凌于窮髮士贇曰江淹詩資  
神任獨往莊子曰窮髮之北有溟海者天池也司馬  
彪曰窮髮者北極之下無毛之地劉琨詩時哉不我  
與去乎願言弄倒景從此鍊真骨華頂窺絕溟蓬壺  
若浮雲

望超忽不知青春度但怪綠芳歇空持釣鰲心從此

謝魏闕

齊賢曰楚詞芳以歇而不比莊子中山公子  
牟身在江海之上心居魏闕之下士贇曰倒

景絕溟釣鰲三事並見前王簡栖  
頭陀寺碑云東望平臯千里超忽

下終南山過斛斯山人宿置酒

暮從碧山下山月隨人歸却顧所來經蒼蒼黃泉



相攜及田家童稚開荆扉綠竹入幽徑青蘿拂行衣  
歡言得所憇美酒聊共揮長歌吟松風曲盡河星稀  
我醉君復樂陶然共忘機齊賢曰詩曰終南何有毛萇曰終南周之名山在長安之南爾雅曰山未及上曰翠微楊惲傳田家作苦琴操有風入松曲曹孟德詩月明星稀王贊曰江淹詩太谷晦蒼蒼左思蜀都賦氣氛氲以翠微范彦龍田家去樵採陸機毛詩草木疏曰松蘿蔓松而生崔豹古今注曰長歌言壽命長短定分不妄求也蘇武詩長歌正激烈昭明太子撰陶淵明傳曰貴賤造之者有酒輒設淵明若先醉更語客我醉欲眠卿可去其真率如此

朝下過盧郎中叙舊遊

君登金華省我入銀臺門幸遇聖明主俱承雲雨恩



復此休浣時。閑爲疇昔言。却話山海事。宛然林壑存。

明湖思曉月。疊嶂憶清猿。何由返初服。田野醉芳樽。

齊賢曰。唐有銀臺門。通進司。漢書石慶爲內史。每五日洗沐歸謁親檀弓。疇昔之夜。注疇發聲。昔猶前也。謝靈運詩。將窮山海跡。楚詞。進不入以離尤。退將復修古初服。士贇曰。漢書叙傳。成制時。鄭寬中。張禹朝夕說尚書論語于金華殿中。顏師古曰。金華殿在未央後。范彥龍詩。遭逢聖明后。遙望鳳皇池。漢張純傳。恩德雲行。惠澤雨施。張載詩。疇昔懷微志。謝靈運詩。林壑歛暝光。晉光逸傳。劉畢芳樽友之。

### 侍從遊宿溫泉宮作

羽林十二將。羅列應星文。霜仗懸秋月。霓旌卷夜雲。巖更千戶肅。清樂九天聞。日出瞻佳氣。葱<sub>七</sub>繞聖君。



在警室南主羽林衛天子之軍漢表羽林韋送從次  
斯門武帝太初元年置建章營騎後更名羽林輪唐  
因隋制有十二衛儀衛志云朝會之仗二衛番上分  
爲五仗天子將出前二日大樂令設宮縣之樂于庭  
書扁之上五刻駕長前發七刻擊一鼓爲一嚴前五  
刻擊一鼓爲再嚴前一刻三鼓爲三嚴諸衛各督其  
隊以次入陳周礼析羽爲旌天問九天之祭安放安  
屬漢書氣佳哉鬱七葱七王贊曰上林賦拖霓旌  
靡雲旗西都賦周以嚴更之署詩云日出有曜

### 邯鄲南亭觀妓

歌鼓

一作妓

燕趙兒魏姝弄鳴絲粉色艷日彩舞袖一作

衫拂花枝把酒領

一作顯

美人請歌邯鄲詞清箏何繚

繞度曲綠雲垂平原君安在科斗生古池座客三千



人于今知有誰我輩不作樂但爲後代悲

齊賢曰公孫瓚傳注

童謡云燕南垂趙北際中間不合大如礪惟有此中  
可避世贊以易水當之築京固午則燕之南乃趙之  
界唐志相州鄴郡本魏郡毛詩彼姝者子箋云妹美  
好之子韓子曰長袖善舞樂府有邯鄲才人嫁爲斯  
養卒婦詞樂書唐惟有清樂箏十二絃彈之爲鹿骨  
瓜長寸餘代指他皆十三絃今教坊無十二絃者善  
度曲事見前史平原君趙勝喜賓客蓋至者數千人  
阮籍詩梁王安在哉世說桓大司馬聞劉真長曰第  
一流復是誰劉曰正是我輩耳王贊曰江淹別賦琴  
羽張兮簫鼓陳燕趙歌兮傷美人又曰下璧而沉彩  
鮑照詩餘人安在哉尚書序注曰科斗蟲名蝦蟆子  
史秦圍邯鄲平原君得死士三千人陶潛詩得及當  
作樂斗酒聚比鄰古詩爲樂當及時何  
能待來茲愚者愛惜費但爲後世嗤

春日遊羅敷潭

齊賢曰古今詩



行歌入谷口路盡無人跡攀嵯度絕壑并水尋迴溪  
雲從石上起客到花間迷淹留未盡興日落羣峰西  
齊賢曰左傳注躋升也謝靈運詩攀嵯照石鏡又對  
嶺臨迴溪招隱士攀援桂枝兮聊淹留王贊曰莊子  
云行歌而去之七  
癸  
曰依絕區兮臨迴溪

春陪商州裴使君遊石娥溪

時欲東遊  
遂有此贈

裴公有僊標拔俗數千丈澹蕩滄洲雲飄飄紫霞想  
剖竹商洛間政成心已閑蕭條出世表冥寂閉玄關

齊賢曰世說庾子嵩目和嶠森々如千丈松楊炯  
靈賦世有黃公起于滄洲怡神養性與道浮游陸  
詩輕舉凌紫霞漢書初與郡守爲竹剖符郭  
有冥寂上顏延年詩劉伶善閉關王贊曰孫盛晉陽



秋曰呂安志量開廣有拔俗風氣孔德璋北山移文  
耿介拔俗之標鮑照詩春風淡蕩俠思多趙景真與  
嵇茂齊書飄飄遠遊之上託身無人之鄉黃庭內景  
玉經曰上清紫霞虛皇前汪云紫霞之宮一名紫瓊  
宮王簡栖頭陀寺碑曰  
玄關幽鍵感而遂通  
我來屬芳節解榻時相悅塞

帷對雲峰揚袂指松雪暫出東城邊遂遊西巖前橫

天聳翠壁噴壑鳴紅泉尋幽殊未歇愛此春光發溪

傍饒名花石上有好月

齊賢曰陳蕃為徐穉特設一榻去則懸之賈宗為刺史既

入界令人塞其車帷裳頗延年詩山明望松雪謝靈運山居賦訊丹砂于紅泉又詩石磴瀉紅泉沈休文詩春光發隴首王贊曰左傳憂未歇也  
命駕歸去來露華生翠苔淹留

昔將晚復聽青猿哀清猿斷人腸遊子思故鄉明發



首東路此懽焉可忘

齊魯

致每相思輒千里命駕陶潛

爲彭澤令去官賦歸去來楚辭攀桂枝兮聊淹留魏文帝詩綿綿思故鄉詩云明發不寐韓信傳北首燕路注曰音謂趣向也首式究切王贊曰孔子歌曰巾車命駕將適唐都荊州記巴東三峽歌云猿啼三聲斷人腸

陪從祖濟南太守泛鵲山湖三首

齊州

初謂鵲山近寧知湖水遙此行殊訪戴自可緩歸橈

齊賢曰唐齊州濟南郡治

歷城縣子猷訪戴事見前

其二

湖濶數千里湖光搖碧山湖西正有月獨送李膺還



齊賢曰郭泰遊洛陽見河南尹李膺膺大奇之後歸鄉里衣冠諸儒送至河上林宗唯與李膺同舟而濟衆賓望之以爲神仙太白以方李守

其三

水入北湖去舟從南浦回遙看鵲山轉却似送人來

齊賢曰南浦在鵲湖之南

春日陪楊江寧及諸官宴北湖感古作金陵

昔聞顏光祿攀龍宴京一作重湖樓船入天鏡帳殿

開雲衢君王歌大風如樂豐沛都延年獻佳作邈與

寺人具齊賢曰丹陽郡圖經樂遊苑晉時藥園元嘉



清江表詩揚子曰拳龍鱗附鳳翼史記船上建樓曰  
樓船漢高祖過沛酒酣上擊筑自歌曰大風起兮雲  
飛揚安得猛士兮守四方王贊曰三國名臣序曰整  
轡雲衢驤首天路史李延年善歌舞為變新聲而上  
方興天地祠欲造樂詩歌茲之延  
年善承意張協詩石與天壤俱  
我來不及此獨立

鐘山孤楊宰穆清風

一作

芳聲騰海隅英僚滿四座

粲若瓊林敷鵠首弄倒景蛾眉綠明珠新絃採

一作

梨園古舞嬌吳歆曲度繞雲

一作

漢聽者皆歡娛

齊賢

曰北山移文鍾山之英即今建康蔣山也詩穆如清  
風書丕冒海隅出日左傳同官為僚世說王戎云太  
尉神姿高徹如瑤林翠樹相如賦浮文鵠注曰鵠水  
鳥盡于舟首以厭水神倒景見前詩云螭首蛾眉唐  
有梨園弟子楚辭吳歆蔡謳奏大呂度曲及繞云見  
前王贊曰淮南子卓然獨立塊然幽處陶潛詩四座



列羣英曹植洛神賦終明珠以耀軀唐礼樂志初隋  
有法曲其聲清新而近雅玄宗酷愛法曲選坐部伎  
弟子三百人教于梨園謂之梨園弟雞棲何嘈嘈公  
子張衡西京賦度曲未終雲起雪飛

一作

月沸笙竽古之帝宮苑今乃人樵蕪感此勸一

觴願君覆瓢壺榮盛

一作盛時

當作樂無令後賢吁

齊賢曰

令仲夏調笙竽淮南子子血夏吹笙竽金陵六朝之政  
都漢書樵蘇後爨晉灼曰樵取新蘇取草王贊曰鮑  
照詩嘈嘈晨鼓鳴埤倉曰嘈嘈衆声也陶潛詩得  
歡當作樂此未句意蓋自國風山有樞中來也

### 宴鄭參卿山池

爾恐碧草晚我畏朱顏侈愁看楊花飛置酒正相宜

次逢送客日驛衫回青也入不盡杯留歡更數詩



王贊曰王康瑒嘉禾朱顏陸機詩置酒高堂

### 遊謝氏山亭

淪老卧江海再歡天地清  
病閑久寂寞歲物徒芬榮  
借君西池遊聊以散我情  
掃雪松下去捫蘿石道行  
謝公池塘上春草颯已生  
花枝拂人來山鳥向我鳴  
田家有美酒落日與之傾  
醉罷弄歸月遙欣稚子迎  
齊賢曰鮑明遠詩君平獨寂寞身世兩相棄謝靈運  
在永嘉西堂思詩竟日未得忽夢見惠連即得池塘  
生春草大以爲美歸去來詞稚子候門王贊曰淮南  
王莊子要畧曰江海之士山谷之人輕天下細萬物  
而獨往



把酒問月

故人賈淳  
令予問之

青天有月來幾時。我今停杯一問之。人攀明月不可

得。月行却與人相隨。皎如飛鏡臨丹闕。綠烟滅盡清

輝發。但見宵從海上來。寧知曉向雲間沒。白兔擣藥

秋復春。嫦娥孤棲與誰鄰。今人不見古時月。今月曾

經照古人。古人今人若流水。其看明月皆如此。唯願

當歌對酒時。月光長照金樽裏。

齊賢曰淮南子羿得不死之藥于西王母

其妻嫦娥竊之奔上。月魏武帝短歌行對酒高歌人

生幾何。士贇曰謝靈運詩清暉能娛人。傅玄擬天問

曰月中何有。白兔擣藥。江淹詩



同族姪評事黯遊昌禪師山池二首

遠公愛康樂。爲我開禪關。蕭然松石下。何異清涼山。

花將色不染。水與心俱閒。一坐度小劫。觀空天地間。

齊賢曰。廬山在江州南二十里。二林又在山之南五里許。兩寺相隣。晉道永。道遠所居。水石深怪。古迹無窮。東林三門內有小渠。名曰虎溪。又有白蓮花池。謝靈運。雷次宗等皆入蓮社。靈運襲封康樂公。唐乾封二年。宣律師在長安城南淨業寺修道。忽有一大人來致敬。自言姓王名璫。因問曰。自昔相傳。文殊在清涼山。領五百仙人說法。結中明文曰。文殊久住娑婆世界。界如何偏在此方。荅曰。文殊是諸佛之元帥。隨緣利見。但知仰信。多在清涼山五臺之中。今屬代州西五臺縣清涼府。又問。今五臺山東南三十里。見有大孚靈鷲寺。有花園可二頃許。四時發茂。色類不同。人移花栽別處。皆不生。惟在園內方得久榮。或云漢明



所立或云魏孝文栽植如何答曰但是二帝所作傳  
燈錄有水觀佛謂之劫道謂之塵儒謂之世世說註  
支道林集妙觀章云夫色之不性自有色色不自有  
雖有色而空故曰色即爲空色復異空王贊曰老子  
說常清淨經曰觀  
空亦空空無定空

其二

客來花雨際。秋水落金池。片石寒青錦。疎楊挂綠絲。  
高僧拂玉柄。童子獻雙梨。惜去愛佳景。烟蘿欲暝時。

齊賢曰金陵雨花臺梁武時有僧講經于此天雨寶  
花此臺在長干山之頭後漢驃國王居有二池以金  
爲堤丹楫皆飾金寶世說王衍執玉柄望尾與子同  
色王贊曰廬山記晉惠遠于廬山集一時名士高僧  
會于帳



金陵鳳皇臺置酒

置酒延落景金陵鳳皇臺長波寫萬古心與雲俱開  
借問往昔時鳳皇爲誰來鳳皇去已久正當今日迴  
明君越羲軒天老坐三台豪士無所用彈絃醉金罍  
東風吹出花安可不盡杯六帝沒幽草深宮冥綠苔  
置酒勿復道歌鐘但相催

齊賢曰鳳皇臺在金陵宋元嘉中王顗見異鳥集于

山時謂鳳皇遂起臺于山羲軒伏羲軒轅也列子云黃帝召天老力牧太山稽注云三人黃帝之相晉帝上台中台下台在天曰三台在人曰三公呂氏春秋曰老聃孔子墨翟關尹子列子陳駢楊朱孫臏王寥倪良此十人者皆天下之豪士六帝吳晉宋齊梁陳也左傳鄭人賂晉侯歌鍾二肆士贊曰史五常紀注



鄭玄云按黃帝例天置列諸公衆官以風后配上台天老配中台五聖配下台謂之三公也莊子載人無所用之詩云我姑酌彼金罍古詩棄捐勿復道鮑照詩七盤起長袖庭下列歌鍾

秋浦清溪雪夜對酒客有唱鷓鴣者

秋浦

披君

一作我

貂襜褕對君白玉壺雪花酒上滅頻覺夜

寒無客有桂陽至能吟山鷓鴣清風動窓竹越鳥起

相呼持此足爲樂何煩笙與竽

齊賢曰張衡詩美人贈我貂襜褕說文直

裾謂之襜褕鮑照詩清如玉壺冰唐柳州桂陽鷓鴣嶺南偏多臆前有台圓點背上間紫赤毛多對啼自呼選古詩越鳥巢南枝笙等事見前王贊曰劉玄休詩玉宇來清風古詩爲樂當及時左思詩北里吹笙



與周剛清溪玉鏡潭宣別

潭在秋浦秋胡別下余新名此潭

康樂上官去永嘉遊石門江亭有孤嶼千載跡猶存

我來游秋浦三入桃陂源千峰照積雪萬壑盡啼猿

興與謝公合文因周子論

齊賢曰謝康樂有登石門最高頂詩又遊名山志曰

石門澗六處石門迴水上入南山兩邊石壁右邊石巖下臨澗水秋浦見前王贊曰鮑照詩千巖盛阻積

萬壑勢

縈回掃厓去落葉席月開清樽溪當大樓南溪水

正南奔廻作玉鏡潭澄明此心魂此中得佳境可以

絕囂喧清夜方歸來酣歌出平原別後經此地爲余

謝蘭蓀

齊賢曰大樓山名晉書漸入佳境尚書酣歌于室楚詞蓀撓兮蘭旌注蓀香草也王贊曰



曹植詩明月澄清景左傳樂祈曰心之精爽是謂魂  
鬼江淹詩何用苦心覓楚詞秋蘭兮靡蕪蓀何以兮  
愁若皆以  
况君子

遊秋浦白筴陂二首

何處夜行好。月明白筴陂。山光搖積雪。猿影挂寒枝。  
但恐佳景晚。小令歸棹移。人來有清興。及此有相思。

齊賢曰筴名旱功但二切士贊曰陸機詩積  
雪被長巒末句有字依孟子音又去聲發破

其二

白筴夜長嘯。爽然溪谷寒。魚龍動陂水。處處生波瀾。  
天借一明月。飛來碧雲端。故鄉不可見。腸斷正西看。



長廬士贊曰謝靈運詩洞庭空波闌江淹詩日暮碧  
雲合謝眺詩  
雲端楚山見

宴陶家亭子 潯陽

曲巷幽人宅。高門大士家。池開照膽鏡。林吐破顏花。  
綠水藏春日。青軒祕晚霞。若聞絃管妙。金谷不能誇。  
齊賢曰履卦幽人貞吉照膽言池水之清照人如見  
肝膽晉石崇有別館在河陽之金谷一名梓澤士贊  
曰西京雜記高祖初入咸陽宮有方鏡廣四尺高五  
尺九寸表裏皆明人來照之影則倒見以手捫心而  
求則見腸胃五臟歷然無礙人有疾病在內掩心而  
照之則知病之所在又女子有邪心則膽張心動秦  
始皇嘗以照宮人膽張心動殺之高祖悉封閉以待  
項羽羽併將以東後不知所在漢書張禹傳後堂理



絲竹  
管絃

在水軍宴韋司馬樓船觀妓

搖曳帆在空清流川

一作

順歸風詩因鼓吹發酒爲劍

歌雄對舞青樓妓雙鬟白玉童行雲且莫去留醉楚

王宮

齊賢曰謝玄暉有鼓吹曲蔡邕曰鼓吹歌軍樂也謂之短簫鐃歌黃帝岐伯所作史記馮驩彈

缺而歌曹子建美女篇曰青樓臨大路仙傳拾遺曰

漢初有四五小兒路上羣戲一兒曰着青裙入天門

揖金母拜木公時人莫知張子房知之往拜之曰此

東王宮之玉童也王贊曰鮑照詩聽長風振搖曳

高帆舉白玉童言其

童之顏如白玉也

流夜郎至江夏陪長史叔及薛明府宴興德寺



南閣

紆殿橫江上。青山落鏡中。岼迴沙不盡。日映水成空。

天樂流

一作聞

香閣。蓬舟颺晚風。恭陪竹林宴。留醉與

陶公

齊賢曰說文紆深青也。有憾切。王羲之云遊山陰道上如鏡中行。齊景公造蓮舟。令宮人綵女

撐之以闢名競渡。亦名花競。王戎與阮籍爲竹林之遊。陶潛性嗜酒。家貧不能常得。親舊知其如此。或置酒招之。造飲輒盡。期必醉而退。曾不吝情。

之沔州城南郎官湖

乾元歲秋八月白遷於夜郎。遇故人尚書郎張謂

出使夏口。沔州牧杜公漢陽宰王公觴于江城之



南湖樂天下之再平也方夜水月如練清光可掇  
張公殊有勝槩四望超然乃顧白曰此湖古來賢  
豪遊者非一而枉踐佳景寂寥無聞夫子可爲我  
標之嘉名以傳不朽白因舉酒酌水號之曰郎官  
湖亦猶鄭圃之有僕射陂也席上文士輔翼岑靜  
以爲知言乃命賦詩紀事刻石湖側將與大別山  
共相磨滅焉

張公多逸興共泛沔城隅當時秋月好不減武昌都  
四坐粹青光爲歡古來無郎官愛此水因號郎官湖



風流若未減名與此山俱

晉書曰漢陽水江州五年以沔陽郡之漢陽水

川二縣置武昌在鄂州五百三十里孫權在鄧羊祐鎮襄陽樂山水每風景必造峴山置酒嘗慨然嘆息謂中郎鄒湛等曰自有宇宙便有此山由來賢達聖士登此如我與卿等者多矣皆湮滅無聞使人悲傷湛曰公令聞令望必與此山俱傳若湛輩乃當如公言耳士贇曰江淹賦秋月如珪陸機詩四座咸同志

### 陪侍郎叔遊洞庭醉後三首

今日竹林宴。我家賢侍郎。三杯容小阮。醉後發清狂。

齊賢曰嵇康與山濤阮籍兄子咸王戎向秀劉伶爲竹林之遊世謂竹林七賢咸字仲容雖處世不交人事惟共親知絃歌酣宴而已籍子渾有父風少慕通達不飾小節籍謂曰仲容已豫吾此流汝不得復爾漢書次公醒而狂士贇曰漢書武帝五子傳清狂不惠蘇林曰凡狂者陰陽脉盡濁今此人不狂似狂者



本言和詩  
故言清狂也清  
狂如今日癡也

其二

船上齊橈樂。湖心泛月歸。白鷗閑不去。爭拂酒筵飛。

齊賢曰楚詞蓀橈兮蘭旌注橈小楫也方言曰楫謂之橈或謂之棹鮑明遠詩翻浪揚白鷗注鷗水鳥王贊曰白鷗閑不去是時用列子海上之人有好奇者從漚鳥遊漚鳥之至者百住而不止事

其三

刻却君山好。平鋪湘水流。巴陵無限酒。醉殺洞庭秋。

齊賢曰君山在洞庭東距巴陵四十里登岳陽樓望之橫陳其前君山之後乃太湖渺茫無際直抵沅澧鼎三州王贊曰木華海賦曰于是乎禹也乃鍾臨岸之草陸夾皮黃而目爰詳山无洛鵲沈其流此篇首



曰意欲鏜疊嶂今韻引此詩于刻字之下

夜泛洞庭尋裴侍御沽酌

日晚湘水綠孤舟無端倪明湖漲秋月獨泛巴陵西  
遇憇裴逸人巖居陵丹梯抱琴出深竹爲我彈鷓鴣  
曲盡酒亦傾北牕醉如泥人生且行樂何必組與珪  
齊賢曰湘水巴陵事見前謝玄暉詩即此凌丹梯注  
丹梯山也吳都賦鳥則鷓鴣鷓鴣曲名古琵琶絃用  
鷓鴣筋淘潛云高卧北牕之下醉如泥事見前楊惲  
云人生行樂耳左思詩臨組不肯緤對珪不肯分士  
贊曰謝靈運詩  
溟漲無端倪

陪族叔刑部侍郎曄及中書賈舍人至遊洞庭



五首

洞庭西望楚江分水盡南天不見雲日落長沙秋色

遠不知何處弔湘君

齊賢曰岷江從西來至岳陽樓前與洞庭之水合而東行潭州

長沙郡在洞庭上流三百餘里河圖玉版曰堯之二女爲舜妃死葬于此冢在縣北一百六十里青草山史記秦博士對始皇帝云湘君堯之二女舜妃也離騷九歌有湘君士贇曰左傳曰引領西望謝朓詩日落長沙渚層陰萬里生列子曰西極之南駕有國焉不知境界之所接此時貢至貶岳州司馬與白均是逐臣邂逅而爲洞庭之遊作是詩也亦屈原賾顧宗國繫心懷王之意乎時帝在西京故曰西望也楚江分者有秦楚之隔也水盡南天不見雲者猶晉明帝所謂舉目見曰不見長安之義謂南天隔遠西望吾君不可得而見也日暮長沙秋色遠不知何處弔湘君者蓋舜之葬也二妃不得從焉即湘君之事而重



感明皇王后楊妃之事故曰不知何處也  
無非愛君憂國之意而全不着迹其得國風之體  
晦菴所謂聖于詩者此之謂矣

## 其二

南湖秋水夜無烟耐可乘流直上天且就洞庭賒月

色將船買酒白雲邊

齊賢曰莊子秋水時至北山移文于青雲而直上

## 其三

洛陽才子謫湘川元禮同舟月下仙記得長安還欲

笑不知何處是西天

齊賢曰漢書賈誼以爲漢興王孝文二十餘年當改正朔易服

色制度定官名興禮樂乃悉草具其事儀法天子議以生任公卿之位絳灌馮敬之屬盡害之曰洛陽之



李詩補註 卷三  
人年少初學專欲擅權紛亂諸事天子後亦疎之不用其議以誼爲長沙王太傅後漢郭泰歸鄉李膺送之同舟而濟衣冠望之若神仙桓子新論人言長安樂則出門向西而笑士贇曰潘岳西征賦終童山東之英妙賈生洛陽之才子東漢書傳李膺字元禮時學中語曰天下模楷李元禮按唐書本傳賈至字幼鄰玄宗幸屬拜起居舍人知制誥歷中書舍人至德後坐小法貶岳州司馬太白故以賈生事比之也

#### 其四

洞庭湖西秋月輝瀟湘江北早鴻飛醉客滿船歌白

苧不知霜露入秋衣

齊賢曰白苧歌云皎皎白緒節節爲雙又當塗有白苧亭宋武帝

與羣臣會于此爲白苧之歌士贇曰陶潛詩秋月揚明輝顏延年詩解鞍犯朝露說苑孺子操彈子後園

露沾



其五

帝子瀟湘去不還，空餘秋草洞庭間。淡掃明湖開玉

鏡，丹青盡出是君山。

齊賢曰：帝子堯女舜之妃也。青草湖在金沙洲上，通爲一湖。自

金沙堆下即洞庭也。君山居洞庭東，對岳陽。自瀟湘來望之，如修眉見于鏡中。士贇曰：楚辭帝子降兮北渚，目眇眇兮愁予。嫋嫋兮秋風，洞庭波兮木葉下。荆軻易小歌曰：壯士一去兮不復還。

楚江黃龍磯，南宴楊執戟治樓。

荆楚

五月分五洲，碧山對青樓。故人楊執戟，春當楚江流。

一見醉漂月，三杯歌棹謳。桂枝攀不盡，他日更相求。

齊賢曰：曹子建詩：青樓臨大路。謝靈運詩：執戟亦已疲。漂如漢書諸毋漂之義。西都賦：擢女謳歌吹震楚。



詞招隱士攀援桂枝兮聊淹留士贊曰執戟  
事見二卷馬融廣成頌曰發揚歌縱水謳

銅官山醉後絕句

宣城

我愛銅官樂千年未擬還要須迴舞袖拂盡五松山

齊賢曰唐宣州南陵縣武德四年諫池州川廢屬宣  
州後折置義安縣又廢義安爲銅官治利國山有銅  
有鐵韓子曰長袖善舞十贊曰  
江淹賦暫遊萬里少別千年

與南陵常贊府遊五松山

山在南陵銅井西  
五里有古精舍

安石泛溟渤獨嘯長風還逸韻動海上高情出人間

靈異可並跡澹然與世閑

齊賢云世說謝安石與孫  
興公汎海吟嘯事見前溟

渤二海名士贊曰成公緩嘯賦集長風  
平萬里惟南子一澹然無欲而民自撲我來五松下



置酒窮跡攀徵古絕遺老因名五松山五松向清幽  
勝境美沃州蕭颯鳴洞壑終年風雨秋響入百泉去  
聽如三峽流剪竹掃天花且從傲吏遊龍堂若可憇  
吾欲歸精修齊賢曰高僧傳支遁投跡剡山于沃州水嶺立寺行道晚移石城山寺精舍王  
贊曰前漢書功成表錄遺老之策楚詞風颯颯  
芳木蕭蕭又魚鱗屋芳龍堂紫貝闕芳朱宮

### 宣城青溪

一云入清溪山

青溪勝桐廬水木有佳色山貌日高古石容天傾側  
絲鳥昔未名白猿初相識不見同懷人對之空嘆息

齊賢曰桐廬縣新安東陽二水合于此入東流爲浙江陶淵明詩睠菊有佳色頗延之詩振策睠東路傾



側不  
及羣

# 與謝良輔遊涇川陵巖寺

乘君素舸泛涇西宛似雲門對若溪且從康樂尋山

水何必東遊入會稽

齊賢曰唐宣州涇縣以涇溪而名若耶溪雲門在越州會稽縣

南齊何胤嘗遊謝康樂尋山陟嶺必造幽峻晉宋間人多以往會稽爲入東士贊曰南史謝靈運素所愛好遂樂公出爲永嘉太守郡有名山水靈運素所愛好遂四志遊遨尋山陟嶺必造幽峻所至輒爲詩詠以致其意後移籍會稽修營舊業傍山帶江盡幽居之美右終焉之志

# 遊水西簡鄭明府

天宮水西寺雲錦照東郭清湍鳴廻瀉

繞飛閣



涼風日瀟灑幽客時憇泊五月思貂裘謂言秋霜落  
石蘿引古蔓岍筍開新籜吟翫空復情相思爾佳作  
鄭公詩人秀逸韻宏寥廓何當一來遊憊我雪山諾  
齊賢曰海賦雲錦散文于沙汭之際延陵季子出遊  
路有遺金時當五月見一翁披裘負薪謂翁取拾金  
翁曰五月披裘負薪豈拾遺金也哉雪賦云雪山峙  
于西域謝靈運詩始果遠遊諾士贊曰謝靈運詩對  
嶺臨迴溪孔惟珪北山移文瀟洒出塵之想史蘇秦  
傳黑貂之裘弊此極涼之形容耳謝朓詩蟬娟空復  
情籍詩仲容稚  
器實真生人秀

## 九日登山

淵明歸去來不與世相逐爲無杯中物遂偶本州牧



因招白衣人笑酌黃花菊

齊賢曰陶潛賦歸去來事見前晉書癡漢忍斷杯中

物耶刺史王弘欲識潛往廬山令其故人龐通之齎酒具于半道栗里要之潛有脚疾使一門生二兒舉藍輿及至欣然使共飲酌俄頃弘至亦無忤也晉陽秋曰陶潛九日無酒出宅邊菊叢中坐久之望見白衣人來乃刺史王弘送酒即便就酌取醉而後歸王贊曰楚詞聖人與世推移陶淵明詩天運苟如此且進杯

中物我來不得意虛過重陽時題輿何俊發遂結城

南期築土按響山俯臨遠水湄胡人叫玉笛越女彈

霜絲自作英王胄斯樂不可窺赤鯉湧琴高白龜道

馮夷靈僊如彷彿莫酌遙相知

齊賢曰後漢周景爲豫州刺史辟陳蕃爲

別駕不就景題別駕輿曰陳仲舉坐響山宛水皆在

別駕不就景題別駕輿曰陳仲舉坐響山宛水皆在



彭之術遊冀州涿郡聞二百餘年後辭入涿水中取  
龍子與弟子期曰候我于水防祠屋果來赤鯉來出  
祠中留月餘復入水去九域志宣州琴溪則琴高控  
鯉之地江賦馮夷倚浪以傲睨山海經從極之川馮  
夷常都焉馮夷人面而乘龍士贊曰漢田蚡傳墨七  
不得意孫綽天台賦靈仙之古來登高人今復幾人  
所竄宅楚詞時彷彿以遙見

在滄洲違宿諾明日猶可待連山似驚波合沓出演

海揚袂揮四座醅酌安所知齊歌送清揚起舞亂參

差賓隨落葉散帽逐秋風吹別後登此臺願言長相

思齊賢曰續齊諧記桓景隨費長房遊數年長房忽

謂曰九月九日汝家當有大災可速去家人作絳  
囊盛茱萸繫臂登高山飲菊酒此禍可消論語二  
路無宿諾海賦波如連山謝朓詩合沓與雲齊晉出



簡鎮襄陽歌曰日夕倒載歸。醉酩酊無所知。孟嘉為桓  
溫參軍。九月九月遊龍山。嘉醉有風吹落帽而不知。  
士贊曰。張載詩。顧謂四座。賓南史。四玉傳曰。悲落葉  
落葉何時還。宿昔共根本。無復一相關。毛詩。清揚婉  
兮。注眉目之間。李陵詩。各言長相思。

九日

今日雲景好。水綠秋山明。携壺酌流霞。舉菊泛寒榮。  
地遠松石士。風揚絃管清。窺觴照歡顏。獨笑還自傾。

落帽醉山月。空歌懷友生。

齊賢曰。離騷云。飢寒阨之。木蘭注。舉取也。音蹇。說文。

攬飯取也。士贊曰。甘泉賦。喻青雲之流霞。陶潛詩。一  
觴聊獨進。杯盡壺自傾。詩云。雖有兄弟。不如友生。楚  
詞。廓落兮羈旅而無友生。陶潛  
詩。世所秋月臨也。別友生。



九月龍山飲當塗

九月龍山飲黃花笑逐臣醉看風落帽舞愛月留人

齊賢曰九域志太平州治當塗有龍山即桓溫九月九日登此置酒風吹孟嘉帽落處唐志當塗太平二縣皆隸宣州陸機詩逐臣尚何有士贇曰魏文帝與鍾繇書曰歲往月來忽復九月九日爲陽數而日月並應俗以其名宜于長久故以燕享高會月令季秋之月菊有黃華傳毅七激曰聞君逐臣

九月十日即事

昨日登高罷今朝更舉觴菊花何太苦遭此兩重陽  
陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺



升公湖上

一作山

秀粲然有辯才濟人不利已立俗無

嫌猜子見水中月青蓮出塵埃閑居清風亭左右清

風來當暑陰廣殿太陽為徘徊

齊賢曰列子曰周穆王時西極之國有化

人來謁王同遊王執化人之祛騰而上者中天廼及化人之宮構以金銀絡以珠玉出雲雨之上王實以

為清都紫微鈞天廣樂帝之所居晉志海旁蜃氣象樓臺廣野氣成宮闕升公化城寺僧也士贊曰維摩

詰經大迦葉言維摩詰有辯才智慧鮑照詩不受外猜嫌維摩詰經菩薩云何觀玉衆生維摩詰言菩薩

觀衆生如智者見水中月寶積偈日日淨修廣如青蓮史記屈原蟬蛻汗濁之中浮游塵埃之外溥玄休

詩王宇來清風曹植表如葵藿之傾太陽雖不為迴光而響之者誠也

茗酌待幽客珍

盤薦彫梅飛文何灑落萬象為之摧季父擁鳴琴德



聲布雲雷雖遊道林室亦舉陶潛杯清樂動諸天長

松自吟哀留歡若可盡劫石乃成灰

齊賢曰文選序飛文染翰史記

項羽季父項梁當塗幸李陽冰乃太白之叔為季父  
宓子賤為單父令鳴琴不下堂而單父治世說文遁  
宇道林居會稽南史陶潛性嗜酒諸天如淨居太興  
率天梵天之類漢武鑿昆明池見灰上以問東方朔  
朔曰試問西域胡至後漢明帝時外國道人入洛陽  
有以問之胡曰天地大劫將盡則劫燒此劫燒之餘  
也士贇曰左思魏都賦萬殊之象不同曹植詩不能  
歌德聲易曰雲雷屯鮑照詩彭韓及廉蘭疇昔已成  
灰雖遊道林室亦舉陶潛杯是  
昭用淵明嗜酒與遠公遊事



言補註

卷二

三十一

七







